

“_____” 20____й

Юридик шахс/якка тартибдаги тадбиркорлар учун иш ҳақи лойиҳаси доирасида хизмат кўрсатиш тўғрисида оммавий шартнома-оферта

Ушбу хужжат ХАТБ "Давр банк"нинг (кейинги ўринларда – Банк) расмий таклифи (оммавий оферта) бўлиб ҳисобланади ва Банкда асосий ҳисобварак очган Банк мижозлари – юридик шахсларга ва якка тартибдаги тадбиркорларга (кейинги ўринларда – Мижоз) Ўзбекистон Республикаси миллий валютасида банк карталари учун транзит ҳисобваракларни очиш, Банк Ходимларига банк карталарини чикариш ва уларга иш ҳақини ҳамда унга тенглаштирилган тўловларни жисмоний шахслар – Мижоз ходимларининг карточкаларига тушириш бўйича хизмат кўрсатишнинг стандарт шартларини ва тартибини белгилайди.

Ўзбекистон Республикаси Фуқаролик кодексининг (ЎзР ФК) 369-моддасининг 2-қисмига мувофиқ қуйида баён этилган оммавий офертанинг бандларини қабул қилган, Банкка МСКҲ очиш ва миллий валютадаги банк картасини чикариш тўғрисида Ариза (матн бўйича кейинги ўринларда - Ариза) билан мурожаат қилган ҳамда зарур хужжатларни тақдим этган, ушбу офертани акцептлаган Мижоз – юридик шахс/якка тартибдаги тадбиркор Буюртмачига айланади (ЎзР ФК нинг 370-моддасининг 4-қисмига мувофиқ офертани акцептлаш офертада белгиланган шартлар асосида шартнома тузиш билан бир хил кучга эга), Банк билан Мижоз биргалиқда – ушбу Шартноманинг Тарафлари бўлиб қоладилар.

Юқорида баён этилганларга мувофиқ, ушбу оммавий оферта шартларини диққат билан ўқиб чиқинг ва Банк Тарифлари билан танишинг. Агар сиз офертанинг бирон бандига қўшилиша олмасангиз, Банк Сизга хизматлардан фойдаланишдан воз кечишни таклиф этади.

1. ТУШУНЧАЛАР

"Оммавий шартнома-оферта" – ушбу шартнома, у Банк билан Мижоз ўртасида Мижоз томонидан офертани (матн бўйича кейинги ўринларда – "Шартнома") акцептлаш йўли билан тузилади.

"Офертани акцептлаш" – Мижоз томонидан ушбу офертанинг 2.2.-бандида кўрсатилган ҳаракатларни амалга ошириш орқали офертанинг тўлиқ ва сўзсиз қабул қилиниши.

"Мижознинг ходими" – Мижоз билан меҳнат муносабатларини ўрнатган жисмоний шахс – Банк картаси Тутувчиси бўлиб, карта иш ҳақини ва унга тенглаштирилган тўловларни тушириш учун тақдим этилади.

"Ариза" – Мижоз ходимнинг МСКҲ ни очиш ва банк картасини чикариш учун ҳамда МСКҲ ни ёпиш учун берадиган аризаси.

"Хусусий шартнома" – Жисмоний шахсларнинг Ўзбекистон Республикаси миллий валютасидаги банк картасини чикариш ва унга хизмат кўрсатиш тўғрисида Банк ва Мижознинг Ходими ўртасида тузилган оммавий офертағшартнома.

"МСКҲ" – Банкда Мижознинг ходими номига очилган маҳсус сўмдаги карта ҳисобварагини англатади.

"Банк картаси" – иш ҳақини, унга тенглаштирилган тўловларни тушириш учун, шунингдек товарлар, ишлар ва хизматларга тўлов ўтказиш учун мўлжалланган тўлов картаси.

"Корхона" – картани Ўзбекистон Республикаси ҳудудида товарлар, ишлар ва хизматларга тўлов ўтказиш учун тўлов воситаси сифатида қабул қилувчи ҳар қандай юридик шахс (дўкон, меҳмонхона, ресторон ва ҳ.к.), ёки якка тартибдаги тадбиркор.

"Савдо терминали" – Банк картаси воситасида тўловларни ўтказиш учун мўлжалланган электрон-техник қурилма.

"Транзакция" – Банк картасидан фойдаланиб ўтказилган ҳар қандай тўловлар ва ҳисоб-китблар.

"ПИН-код" – хусусий идентификация рақми (Банк картаси Тутувчининг электрон имзоси) бўлиб, Банк картаси воситасида бажарилаётган қуйидаги операцияларнинг қонунийлигини тасдиқлаш учун хизмат қиласи:

- банкоматлардан ва банк кассаларидан нақд пул маблағлари олиш учун;
- савдо терминаллари орқали товарлар, ишлар ва хизматларга тўлов ўтказиш учун;
- банк картасига оид ахборот маълумотларини олиш учун;

“Банк картасини қамал қилиш”—Банк томонидан банк картаси фаолиятини тўхтатиб туришга ёки тугатишга қаратилган чоралари.

“Электърон қўринишдаги реестр”—Мижоз томонидан Банк белгилаб қўйган форматда тузилган файл бўлиб, унда Ходим номига очилган МСКХ га туширилиши лозим бўлган маблағлар суммаси кўрсатилади.

“Мижознинг ишончли ва ваколатли шахслари” — Мижоз томонидан тайинланган ва ваколат берилган (уларга берилган ишончнома асосида) жисмоний шахслар бўлиб, улар Банк билан банк карталарини чиқариш ва уларга хизмат кўрсатиш борасида ўзаро муносабатларни олиб боради.

“Процессинг ташкилоти” –тўлов ташкилоти аъзолари ўртасида ахборотни тўплаш, ишлов бериш ва тарқатишни таъминловчи, шунингдек тўлов ташкилоти аъзолари томонидан амалга ошириладиган эмиссия ва (ёки) эквайрингга техник хизмат кўрсатиувчи ташкилот.

2. ШАРТНОМА ПРЕДМЕТИ

2.1. Ушбу Шартноманинг предмети Мижознинг ходимлари - жисмоний шахслар учун транзит ҳисобварагини очиш, Мижоз ходимларга Банк Карталарини чиқариш ва уларга хизмат кўрсатиш, иш ҳақини ва унга tenglaiширилган бошқа тўловларни Мижоз ходимлари – жисмоний шахсларнинг банк ҳисобварқарига тушириш асосидаги Мижоз билан Банк ўртасидаги ўзаро муносабатлар ҳисобланади.

2.2. Шартноманинг шартлари стандарт шаклда ифодаланган бўлиб, Мижоз томонидан транзит ҳисобварақ очиш тўғрисида ариза берилаётган пайтда қабул қилиниши мумкин. Аризанинг тақдим этилиши Мижознинг ушбу Шартномага бутунисича қўшилганлигини англатади.

2.3. Мижоз иш ҳақи ва унга tenglaiширилган тўловлар кўрнишидаги пул маблағларини Банқда Мижоз номига очилган Тарзит ҳисобваракка Ўзбекистон Республикаси қонунчилигига мувофиқ кейинги босқичда Ходжимларнинг ҳисобваракларига тушириш учун ўтказиб беради.

3. ТАРАФЛАРНИНГ МАЖБУРИЯТЛАРИ

3.1. Банк қўйидаги мажбуриятларни олади:

3.1.1. Ушбу шарнома, Ходимларнинг аризалари ва улар билан тузилган шартномалар асосида Мижознинг ходимлари МСКХ очиш ва Мижоз билан келишилган муддатларда Мижоз Ходимларининг сонидан келиб чиқиб, банк карталарини чиқариш.

3.1.2. Банқда ўрнатилган таомилларга мувофиқ Мижоз ходимларига банк карталарни чиқариш ва банк Ходимларига ёки Мижознинг ишончли вакилларига тақдим этиш.

3.1.3. Банк ҳисобварағига Мижоздан келиб тушган пул маблағларини кейинги иш кунидан кечиктиримасдан Мижоз Ходимларининг МСКХ га тушириш. Якуний сумма бўйича тўлов топширикномаси ва реестраларда тафоқват аниқланган шунингдек, Ходим айрим реквизитларининг Банк маълумотлар базаси ўртасида номувофиқлик мавжуд бўлган ҳолатларда Мижоз ходимларининг МСКХ га маблағларни тушириш амалга оширилмайди. Банк эртанги кундан кечиктиримасдан Мижозга аниқланган тафовутлар тўғрисида хабар беради. Мижоздан 3 иш куни мобайнида тузатилган реестр олинмаса, пул маблағлари суммаси Банк томонидан Мижозга қайтариб юборилади.

3.1.4. Ўзбекистон Республикаси қонунчилигига, ушбу шартномага ва Ходимлар билан тузилган шартномаларга мувофиқ Мижознинг Ходимларига лозим даражада хизмат кўрсатилишини таъминлаш.

3.1.5. Мижоз Ходимидан (Банк Картасини тутувчидан) Банк картаси ўғирлангани ёки ўйқотилгани тўғрисида ариза олинган ҳолатда Банк картасини зудлик билан қамал қилиб қўйиш;

3.1.6. Банк картаси қамал қилингандан кейин, Мижоз Ходимининг ўйқотилган, ўғирланган ёки шикастланган Картани қайта чиқариш тўғрисида ёзма аризаси асосида 10 (үн) банк куни мобайнида Банк Картасини қайта чиқариш;

3.1.7. Мижоз хоимларининг МСКХ орқали бажарилган операцияларни сир сақлаш.

3.1.8. Мижоз ишончли вакилларининг банк карталаридан фойланишқоидалари юзасидан ўқувини ўтказиши.

3.2. Мижоз қўйидаги мажбуриятларни олади:

3.2.1. Банкка Мижознинг Банк билан ушбу шартномани бажариш борасида алоқа боғловчи ва ишончли вакилларнинг рўйхатини, шунингдек Мижознинг ишончли вакилларининг ваколатларини тасдиқловчи хужжатларни (ишончномаларни) тақдим этиш.

3.2.2. Мижознинг Ходимларига Банк карталарини дастлабки чикарилиши учун ҳамда банк карталаридан фойдаланиб ўтказилган операциялар ҳисобини юритиш учун банк ҳисобваракларини (МСКХ) очиш мақсадида Банкка қоғозга чоп этилган кўринишида, шунингдек электрон кўринишида иш ҳақини ва унга тенглаштирилган тўловларни Банк картаси орқали олиш истагини билдирган Мижоз Ходимларининг реестрини тақдим этиш. Қоғозга чоп этилган реестр 2 нусхада ушбу Шартноманинг 2-иловаси ашклида расмийлаштирилиши, Мижознинг пулли ҳисоб-китоб хужжатларини имзолаш ваколатига эга шахслари томонидан имзоланиши ва Мижознинг муҳри билан (муҳр мавжуд бўлган ҳолда) шаҳодатланган бўлиши шарт. Электрон кўринишидаги реестр Банкка Microsoft Excel форматида Шартномада кўрсатилган Банк ходимнинг электрон манзилига тақдим этилиши зарур.

3.2.3. Мижоз Ходимлари Банкка келиб МСКХ очиш ва банк Картасини чикариш тўғрисидаги тасдиқланган шаклдаги аризага имзо чекишлигини таъминлаш.

3.2.4. Мижоз Ходимлар томонидан Банкка шахсни тасдиқловчи хужжатларнинг аслини тақдим этилишини таъминлаш (банк картаси дастлабки очилаётганда).

3.2.5. Банк билан келишилган муддатларда Мижознинг Ходимлари ёки ишончли вакиллари томонидан банк карталарининг қабул қилиб олинишини таъминлаш.

3.2.6. Мижнинг Ходимларига тўланиши лозим бўлган пул маблағларини Ўзбекистон Республикасининг ҳисоб-китоб хужжаталарни тўлдиришга оид меёрий хужжатлари талабларига мувофиқ расмийлаштирилган тўлов топшириқномаси асосида умумий суммада, куйидаги жиҳатларни ҳисобга олган ҳолда ўтказиб бериш:

- “Олувчи” хошиясида Мижознинг номи ва пул маблағлари ўтказилаётган банк кўрсатилади;
- “Суммаси” хошиясида Мижоз ходимларининг ҳисобваракларига ўтказиладиган умумий сума кўрсатилади;
- “Тўлов тафсилотлари” хошиясида тўлов мақсади (иш ҳақи, пенсия ва х.к.) кўрсатилади, шунингдек реестр бўйича пул маблағларини кўчириб ўтказилиши изоҳланиб, унинг рақами ва санаси кўрсатилади.

Агар Мижоз иш ҳақини тушириш учун реестри қоғозга чоп этилган шаклда тақдим этса, тўлов топшириқномасига ушбу Шартноманинг 3-иловаси шаклида расмийлаштирилган Мижоз Ходимлари МСКХ га маблағларни тушириш реестри илова бўлиб ҳисобланади.

Иш ҳақини ва унга тенглаштирилган тўловларни Мижоз томонидан Банкда очилган транзит ҳисобварагига кейинги босқичда Ходимларга накдсиз ўтказиш фақат Банк карталари чикарилганидан ва Ходимларга МСКХ очилганидан кейин амалга оширилади.

3.2.7. Иш ҳақинингва унга тенглаштирилган тўловларнинг умумий суммаси ўтказилган кундан кечиктирасдан Банкка Мижоз ходимларига туширадиган маблағлар реестрини электрон кўринишида ва қоғозга чоп этилган шаклда тақдим этиш. Қоғозга чоп этилган реестр 2 нусхада ушбу Шартноманинг 3-иловаси шаклида расмийлаштирилиши, Мижознинг пулли ҳисоб-китоб хужжатларини имзолаш ваколатига эга шахслари томонидан имзоланиши ва Мижознинг муҳри билан (муҳр мавжуд бўлган ҳолда) шаҳодатланган бўлиши шарт. Қоғозга чоп этилган реестрлар Банкка Мижоз томонидан етказиб берилади.

Мижоз қоғозга чоп этилган реестр билан электрон кўринишидаги реестр маълумотлари мувофиқ бўлишилигини текшириши шарт.

3.2.8. Мижоз ходимларига Банк карталарини амал қилиш муддати тугаганлиги сабабли қайта тайёрлаш учун Мижоз ходимларининг қоғозга чоп этилган ва электрон кўринишидаги реестри Банкка тақдим этилади. мазкур реестр 2 нусхада нусхада ушбу Шартноманинг 3-иловаси шаклида расмийлаштирилиши, Мижознинг пулли ҳисоб-китоб хужжатларини имзолаш ваколатига эга шахслари томонидан имзоланиши ва Мижознинг муҳри билан (муҳр мавжуд бўлган ҳолда) шаҳодатланган бўлиши шарт. Реестрлар Банкка паспорт маълумотлари ўзгарган Ходимларнинг шахсини тасдиқловчи хужжатларининг нусхалари билан тақдим этилади. Электрон кўринишидаги реестр Банкка Microsoft Excel форматида Банк ходимнинг электрон манзилига тақдим этилиши зарур.

3.2.9. Мижоз Ходимларининг даромадларидан солиқларни ва бошқа мажбурий тўловларни мустақил равишдаамалдаги қонунчиликка мувофиқ ушлаб қолиш.

3.2.10. Мижознинг янги ходимларига МСКХ очиш ва Банк карталарини чикаришла ушбу шартноманинг 3.2.2., 3.2.3., 3.2.4-бандларининг талабларига риоя этиш.

3.2.11. Ўз реквизитлари ўзгаргани тўғрисида Банкка ўзгариш содир бўлганидан кейин 5 (беш) кундан кечиктирмай ёзма равишда хабар бериш.

3.2.12. Мижоз Ходимларининг реквизитлари ушбу шартноманинг 3.2.6, 3.2.7-бандларда кўзда тутилган реестрни етказиб бергунча бўлган пайтгача ўзгарган тақдирда, реестр маълумотлари билан Банк маълумотлар базасида тафовут ҳосил бўлишининг олдини олиш мақсадида Банкка ёзма равишда хабар бериш.

3.2.13. Банк карталарини қайта чиқариш зарур бўлган ҳолатларда Банк карталрининг амал қилиш муддати тугашидан 30 (үттиз) тақвим куни олдин Ходимларининг Банк карталарини қацта чиқариш зарурияти тўғрисида Банкни ёзма равишда хабардор этиш.

3.2.14. Ходимларни Банк карталарига тушириш учун ўтказилган пул маблағлари суммаси тўғрисида хабардор этиш.

3.2.15. Ходимларни Банк карталаридан фойдаланиш тартиби ва Банк Тарифлари билан таништириш.

3.2.16. Банкда ўрнатилган иш тартибига, тўлов ҳужжатларини расмийлаштириш ва тақдим этишнинг Ўзбекистон Республикаси меъёрий ҳужжатларида кўзда тутилган қоидаларига риоя этиш.

4. ТАРАФЛАРНИНГ ҲУҚУҚЛАРИ

4.1. Банк қўйидаги ҳуқуқларга эга:

4.1.1. Банк Тарифларга ўзгаришлар ва/ёки қўшимчалар киритган тақдирда, бу ҳақда Мижозни киритилган ўзгаришлар/қўшимчалар кучга киришидан камида 10 (ўн) кун олдин қўшимча шартнома тузмасдан қўйидаги усууллардан бири орқали огоҳлартириш:

- Тарифларга ва Шартномага киритлиган ўзгаришлар ва қўшимчаларни Банк оғисларидаги ахборот тахталарига эълонлар жойлаштириш;

- Тарифларга ва Шартномага киритилган ўзгаришлар ва қўшимчаларни Банкнинг расмий www.davrbank.uz сайтида ахборот жойлаштириш.

4.1.2. Банк томонидан киритилган ўзгаришлар/қўшимчалар юзасидан 10 (ўн) кунлик муддат ичida Мижозлардан эътироzlар келиб тушмаса, ушбу ўзгаришлар/қўшимчалар Мижоз томонидан қабул қилинган деб ҳисобланади. Агар Мижоз Тарифларга ва ушбу Шартномага киритилган ўзгаришлардан ёки қўшимчалардан норози бўлса, Мижоз ўзгаришлар/қўшимчалар кучга киргунга қадар Шарномани ушбу шартномада кўрсатилган тартибда бекор қилиши мумкин

4.1.3. Мижоз томонидан ушбу Шартноманинг шартлари бажарилмаган ҳолда Шартноманинг амал қилишини бир тарафлама тартибда тўхтатиб қўйиш ёки бектор қилиш.

4.1.4. Пул маблағларини Ходимларининг МСКХ га тушириш учун тақдим этилган ҳужжатларда ноаниқликлар ёки номувофиқликлар мавжуд бўлган ҳолда, Мижоз томонидан ўтказилган маблағларни кирим қиласли.

4.2. Мижоз қўйидаги ҳуқуқларга эга:

4.2.1. Ходимларининг МСКХ га тушириш учун ўтказилган пул маблағларини ўз вақтида туширилишини Банкдан талаб қилиш;

4.2.2. МСКХ га туширилган маблағларнинг тўғрисигини текшириш;

4.2.3. Агар ўтказилган пул маблағлари Банк карталарига ҳали туширилмаган бўлса, Банк томонидан қабул қилинган реестр билан ишлашини тўхтатиб туриш тўғрисида ёзма ариза юбориш;

4.2.4. Маблағлар иш қаки лойиҳасида иштирок этувчи Ходимларининг МСКХ ларига туширилгани тасдиқномасини ёзма равишда банкдан сўраш.

4. ТАРАФЛАРНИНГ ЖАВОБГАРЛИГИ

5.1. Банк қўйидагилар учун жавобгардир:

- банк сирини ошкор этганлик ва Мижоздан келиб тушган пул маблағларини Ўзбекистон Республикаси қонунчилигига мувофиқ ўз вақтида МСКХга ўтказиш учун;

- Банк томонидан Мижознинг ходимидан карта йўқотилгани ёки ўғирлангани тўғрисида ариза қабул қилинганидан кейин картадан фойдаланиб ўтказилган ҳар қандай операция учун.

5.2. Банк қўйидагилар учун жавоб бермайди:

5.2.1. Мижоз ёки Мижохзнинг Ходими томонидан йўқотилган Картани қамал қилиш зарурлиги тўғрисида ўз вақтида хабар берилмаганинг оқибатлари учун;

5.2.2. техник носозликлар (электр таъминотининг ва алоқа тармоқларининг ўчириб қўйилиши/шикастланиши, техниканинг ишдан чиқиши, дастурий таъминотдаги, электр

таъминотидаги, маълумотларни узатиш тармоғида ва Банк маълумотлар базасидаги узилишлар, Процессинг ташкилоти билан алоқа узилиб қолиши) сабабли Банктомонидан ушбу Шартнома талаблари бажарилмагани учун;

5.2.3. Картаги пул маблағларининг туширилиши кечиккани учун, агар:

- а) Мижоз реестрларни ва пул маблағларини тушириш тўғрисидаги тўлов топшириқномасини ўз вақтида тақдим этмаган бўлса;
- б) реестрлар ушбу Шартнома талабларига мувофиқ бўлмаса;
- в) тўлов топшириқномасида кўрсатилган, Картага туширилиши лозим бўлган сумманинг реестрда кўрсатилган суммага мувофиқ бўлмаса;
- г) электрон кўринишдаги ва қоғозга чоп этилган маълумотлар мазмунидаги Банк томонидан тафовут аниқланса;
- д) Мижоз томонидан реестрда картанинг раками, Ходимнинг фамилияси, исми, отасининг исми нотуғри кўрсатилган бўлса.

5.2.4. Мижоз томонидан туширилаётган пул маблағлари нотуғри ҳисоблангани, шунингдек Мижоз томонидан ушбу Шартноманинг 3.2.2, 3.2.6. -3.2.8. бандларининг талаблари бажарилмагани учун Банк Мижознинг Ходимлари олдида жавобгар бўлмайди.

5.3. Мижоз қуийдагилар учун жавобгардир:

- ушбу Шартнома доирасида Банкка тақдим этиладиган ахборотнинг ишончлилиги ва мазмуни учун;

- Мижоз томонидан Банк картасининг Мижозга топширилгунча йўқотилгани оқибатлари ва Мижоз томонидан йўқотилган Картани қамал қилиш тўғрисида ўз вақтида хабардор этилмагани учун;

- электрон кўринишдаги ва қоғозга чоп этилган маълумотларнинг айнан бир хиллиги учун.

5.4. Мижоз Ходимларининг МСКХ га пул маблағлари туширилганидан кейин 10 тақвим куни мобайнида Мижоз Банкка асосланган эътирознома (ёзма равишда) тақдим этмаган бўлса, хизмат Банк томонидан лозим даражада кўрсатилган ҳисобланади.

5.5. Тарафлар енгид бўлмас куч таъсири остида: ёнгин, сув тошкини, зилзила, электр таъминотидаги узилиш, шунингдек Тарафларнинг назоратидан ташқарида бўлган бошқа сабаблар туфайли мажбуриятларини қисман ёки тўлиқ бажармаганлари учун жавобгарликдан озод этиладилар.

5. ШАРТНОМАНИНГ АМАЛ ҚИЛИШ МУДДАТИ

6.1. Мазкур Шартнома тарафлар имзолаганидан кейин кучга киради ва номуайян муддат давомида амал қиласи.

6.2. Шартнома тарафларнинг ҳар бирининг ташаббуси билан бошқа тарафни бу хақда бекор қилиниши мўлжаланаётган кундан 45 тақвим куни олдин ёзма равишда хабардор қилинган ва ушбу Шартномани бажаришга оид барча масалалар ва низолар тўлиқ ҳолда бекор қилиниши мумкин.

6. НИЗОЛАРНИ ҲАЛ ЭТИШ

7.1. Шартномани бажариш чоғида юзага келадиган барча низолар ва келишмовчиликлар Тарафлар томонидан имкон қадар музокаралар йўли билан ҳолат этилади.

7.2. Келишувга эришилмаган низолар фуқаролар ишлари бўйича судда Ўзбекистон Республикаси қонунчилигида кўзда тутилган тартибда ҳолат этилади.

8. БОШҚА ШАРТЛАР

8.1. Ушбу Шартноманинг барча иловалари унинг ажралмас қисми ҳисобланади.

8.2. Шартномага киритиладиган барча ўзгаришлар ва қўшимчалар, тарфларнинг келишувига мувофиқ ёзма равишда киритилиши мумкин, бундан ушбу Шартноманинг 4.1.1-бандида кўзда тутилган ҳолат истисно этилади.

8.3. Ушбу Шартноманинг бажарилиши муносабати билан Тарафлар бир-бирига тақдим этадиган ахборот махфий ҳисобланади ва иккинчи тарафнинг ёзма розилигисиз ошкор этилиши мумкин эмас, бундан қонунчиликда белгиланган ҳолатлар истисно этилади.

8.4. Ушбу Шартнома билан тартибга солинмаган барча масалалар Ўзбекистон Республикасининг фуқаролик қонунчилигига мувофиқ ҳал этилади.

9. БАНКНИНГ ЮРИДИК МАНЗИЛИ ВА РЕКВИЗИТЛАРИ

"Даврбанк" ХАТБ

**Манзил: Тошкент шаҳар, Олмазор тумани, Шимолий Олмазор 17В уй.
МФО 00981, ИИН 203709707**